


Кече гай волгалтын, пеленна ила

Айдеме умыр портылташ лийдыме гынат, кажне ен илышыште лийше поро татым шарналта. Марий калыкын лумло енже-влак дсне вашлиймаш, нунын дене палдарыше фотографий-влакат тыгодым чоннам сымыстарат.

Кажне саманын волгыдо да шем кышаже уло. Тиде волгыдыжо илышыште эрелан шарнымашеш кодеш. Тыгай волгыдо шарнымашымак коден марий калыкыште актёр Геннадий Копцев.



Марий-влак нерген «Кто сильнее его» фильмым сниматлыме годым:
Г. Копцев фильмыште модшо кок удыр коклаште. 1984 ий.

Шочмыжлан 60 ий теммым палемдыме нерген газетыште лудын лекмек, мый шке архивыштем аралалтше ик фотом луктым. Да тунамсе татым шарналтышым.

Мыланем тудын дене 1984 ийыште лишке палыме лияш пиал логалын. Мосфильм «Кто сильнее его» художественный фильмым сниматлен. Тиде киношто Марий кундемыпгге революций жапыште лийше событий-влак ончыкталтыт.

Геннадий Романовичын модмо рольжо сюжет почеш эпизод сынан, фрагмент веле лийын. Но актёр чыла мастарлыкшым, вийжым пуэн ямдылалтын! Тидыжак сниматлыме пашам пеш ответственныйлан ужмыжым раш ончыктен, режиссёрын канашыжым гына шотыш налын, «айда-йора» манын огыл пашам шуктен, а творчествош вудылалтын, шкенжын тусшо дене палдарен. Марий йулам палымыже сайын шижалтын. Кеч-могай пашаштат профессионализм верч тыршен. Шкежат чыла шотышто профессионал лийын. Моло искусство мастарын ойжым, канашыжым колыштын, мыйынат икмыняр канашем, пагален, шотыш налын, усталыкшым шуарымаште кучылтын. Мый тудо жапыште художественный фильмыште национальный вургемым кучылтмо шотышто консультант лийынам. Г.Р. Копцев, илышлан ушаныше айдеме, кином сниматлыше группын чонжо ыле. Шуко анекдотым, мыскарам, койдарчыкым каласкален. Мыскара дене пырля юггунамже тура, шылтален каласен. Кулеш годым

айдемылан неле-йосо жапыште полшен, лыпландарен кертын. А эн тунжо - айдемым койдарен огыл. Илышын чыла велжымат ужын, порын вашлийын моштен. Илаш йоратен.

Галина СОЛОВЬЁВА, искусствовед.

«Марий Эл». 2003 ий, 18 январь.